



Inatsisartuni ilaasortaq Tillie Martinussen, Suleqatigiissitsisut
/maani

Mittarfiliassat pillugit § 37 naapertorlugu apeqquteqaammut 2019-068-imut akissut

07-02-2019

Suliaq nr.: 2019 - 2637

Id nr. 37830545

Asasara Tillie Martinussen

Inatsisartut Suleriaasianni § 37 naapertorlugu mittarfiliassat pillugit Naalakkersuisunut apeqquteqarputit. Apeqqutitit uannut akisassanngorlugit innersuunneqarput. Apeqqutit matuma kinguliani ataasiakkaarlugit issuarneqarput, akissuteqaammik malitseqartinneqarlutik.

Postboks 909

3900 Nuuk

Tlf.: (+299) 34 50 00

E-mail: box909@nanoq.gl

Fax: (+299) 34 63 56

www.naalakkersuisut.gl

Apeqqut 1. Mittarfiliortiternerit kinguaattoorfiussagaluarpata taava mittarfiliortiternissanut naatsorsuutit ataatsimoortut qanoq sunnerneqassappat?

A) Kinguaattoornerit pissutigalugit immikkut qanoq aningaasartuuteqartoqassava soorlu sanaartornerit tamaasa ataatsimut isigalugit?

Akissut: Sanaartornermik suliaqarnerit naammassippata aammalu mittarfiit atorneqalerpata, aatsaat suliassamut inaarutaasumik akigititassaq ilisimaneqalissaaq. Sanaartornermik suliaqarnerit 2019-imi aasaanerani aallartinneqarnissaat suli naatsorsuutigineqartoq, Kalaallit Airports A/S-imit Naalakkersuisunut ilisimatitsissutigineqarpoq. Taamatuttaaq mittarfiit 2023-imi atorneqalissasut suli naatsorsuutigineqarpoq. Tamanna aallaavigalugu neqeroortitsinissaq isumaqatigiissusiornissarlu sioqqullugit kinguaattoornerit mittarfiliassani naatsorsuutit tamarmiusunut qanoq sunniteqassanersut, assersuutigalugu aningaasartuuteqarnerulernermik, missiliussallugu tunngavissaqanngilaq.

Apeqqut 2. Naalakkersuisut pilersaaruteqarfiginerlugu siuariortornerit pillugit innuttaasut qanoq tusarlerneqartassanersut imaluunniit mittarfiliortiternerit kinguaattoorfiussagaluarpata qanoq tusarliinerit pisassanersut?

Akissut: Naalakkersuisut mittarfinnik nutaanik sanaartornermik, aammalu suliassanik taassuma malitsigisaannik soorlu suliassat pillugit attaveqaqatigiinnermik, isumagittussatut Kalaallit Airports A/S pilersippaat.

Apeqqut 3. Mittarfiliortiternut atatillugu sanaartukkat tamakkiisut pillugit taakkuluunniit ilaannaat pillugit akiliisinnaajunnaartoqassagaluarpat - aallaqqaataani - qeqqata missaani imaluunniit sanaartornerup naajartonerani, taava kikkut akiliisariaqassappat?

Akissut: Kalaallit Airports A/S-imi mittarfiliassat ingerlaneranni akiliisinnaajunnaartoqarnissaata ilimagineqarnera eqqoriaanerinnartut ilimananngitsutullu isigigakku, apeqqutip qaqinneqartup akissuteqarfiginissaa tunngavissaqarsorinngilara.

Aammattaq Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut

aningsaalersorneqarnissaannullu killiliussatut piumasaqaatit pillugit Inatsisartut inatsisaat nr. 4, 22. november 2018-imeersumi mittarfinnik nutaanik sanaartornermut aningsaalersuisarneq pillugu aalajangersakkat aamma innersuussutigisinnaavakka.

Apeqquut 3. A) Apeqquutip taasuma assinga, mittarfiliortiternermut atatillugu pilersuisut arlaat imaluunniit mittarfiliortiternermi sanaartoqataasut arlaat akiliisinnaajunnaassagaluarpak kina akiliissava?

Akissut: Pissutsit taamaattut Kalaallit Airports A/S-ip entreprenørinut pilersuisunullu isumaqatigiissutaanni iliuuseqarfigineqassapput. Naalakkersuisut isumaqatigiissutini taakkunani suleqataasussaangillat, kisianni isumaqatigiissutit taamaattut ilaatigut akisussaasuuneq, sillimmasiineq aamma qularnaveeqqusiineq pillugit maleruagassanik nalinginnaasumik atuuttunik imaqqassasut, maannakkut naatsorsuutigaara.

Apeqquut 4. Akiliisinnaajunnaartoqarnerani Naalagaaffik akiliissappat, taava akiliutigineqartut Naalagaaffiup tapiissutaaniit peerneqassappat?

Akissut: Apeqquut eqqoriaanerinnartut isigaara. Apeqquutinut 3-mut aamma 3 A-mut akissuteqaatinut innersuussinerup saniatigut paasissutissiissutigisinnaavara, mittarfiliassat aamma Kalaallit Nunaannut naalagaaffiup ataatsimoortumik tapiissutaasa immikkut aningaasaqarnikkut imminnut atassuteqarnerarneqarnerat, Naalakkersuisut ilisimasaqarfiginngimmassuk.

Apeqquut 5. Innuttaasut qaqugu paasisinnaalissavaat sanaartornermut pilersaarutit tamakkiisut taamatullu mittarfiliortiternermut attuumassuteqartut allattugaatit?

Akissut: Apeqquummut 6-imut akissuteqaatiga innersuussutigissavara. Tamatuma saniatigut ileqqorissaarnissaq eqqarsaatigalugu ataatsimut isigalugu oqaatigissavara, nammineq aningaasaqarnikkut soqutigisat illersorniarlugit, suliasami paasissutissat ilaasa isertuunneqartussaannissaat akuttunngitsumik pisariaqartussaasarmat.

Apeqquut 6. Inatsisartunut ilaasortat, suliamut tunngatillugu allatugaatinik tamarmiusunik saqqummiussivigineqarsinnaasimanngitsut qaqugu mittarfiliortiternermut atatillugu allatugaatinik isertuussatut naqissuserneqarsimasunik saqqummiussivigineqarsinnaanngussappat?

Akissut: Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningsaalersorneqarnissaannullu killiliussatut piumasaqaatit pillugit Inatsisartut inatsisaat nr. 4, 22. november 2018-imeersup akuerineqarnerani, suliaq naammassisutut Naalakkersuisut isigaat.

Ilanngullugu, allakkiat aalajangersimasut isertuussassanut ilaatinneqarsimanerat aammalu Inatsisartuni suliaqarnermi isertuussassatut pineqarsimanerat. Tamatuma allanngortinnissaanut suliniuteqarnissamik Naalakkersuisut pilersaaruteqanngillat.

Isertuussinissamut tunngatillugu aammattaaq "IIA2018-imi immikkoortoq 21-ip siullermeerneqarnerani apeqquutinut allakkatigut akissuteqaat" 14. juni 2018-imeersuq, kiisalu "Mittarfiit pillugit Aningaasaqarnermut Akileraartarnermullu Ataatsimiititaliap apeqquutaannut akissuteqaat" 27. juli 2018-imeersumi apeqquummut 83-imut akissuteqaat,

tamarmik Inatsisartut aamma Naalakkersuisut nittartagaanni tamanit
pissarsiarineqarsinnaasut, innersuussutigineqarput.

Neriutigaara matuma siulianiittuni apeqquitiit akineqarsimasut.

Inussiarnersumik inuulluaqqusillunga


Karl Frederik Danielsen